

四庫全書

子部

欽定四庫全書

唐開元占經卷七十二

唐 瞿曇悉達 撰

流星占二

流星犯東方七宿一

流星犯角一

石氏曰流星入在角兵吏有見繫者色赤以兵繫色黃
以土功繫色白以義繫色黑凶死色青以憂黜 黃帝曰

流星入角宮中有事貴人多死一曰臣謀主而戮死不出一年 郝萌曰流星色赤如血入兩角間而止有來言兵事者星前赤後黑軍敗將死以四方知所從來者又曰流星色黃若白入角亢間有貴客來見君廟者 荊州占曰流星色白入兩角間有諸侯客來者諸侯有口令 石氏曰流星從他宿入角有鄰邦之使者 又曰流星入角間關梁不通有軍邊境不通 甘氏曰流星出兩角間天子大使出 郝萌曰流星色黃出右角

而東極望人主有出遊者也 又曰使星出天門間
宮移矣 荊州占曰流星色青出左角而東軍憂而兵
敗績黑而光出在角邦多疾病若死亡 石氏曰流星
抵右角星后終無子 黃帝曰流星抵角角不動臣欲
弑其主而戮死 郝萌曰流星抵角角不動而散散而
復合不出其年其國宮中有大事貴人多死者 又曰
流星比於右角流而東軍無戰功二國終相和也

流星犯亢二

石氏曰流星入亢主宗廟事有使者受命於廟色赤言兵
黃言土白言義青言憂黑言死海中占曰流星入亢
中幸臣有自殺者期一年郝萌曰流星色黃若白入
角亢間有貴客來見君廟者又曰流星色黑出亢憂
臣以口舌事自殺期一月若一年石氏曰流星出亢
使臣出以五色占之國多兵也

流星犯氐三

黃帝曰流星入氐兵起若國有大水石氏曰流星入

氏國相疾 流星出亢入氏中人相食有病從帶以下
甘氏曰流星入氏主有疾一曰國亡 石氏曰流星
抵氏國多淫女

流星犯房四

石氏曰流星入房不出其年主國有大喪 甘氏曰流
星蛇曲入房臣殺主代王輔臣亡王者以赦除災年中
銷 郝萌曰流星入房王者殺忠臣輔弼者亡人主以
赦除咎期二年 流星出左服若右服君使之諸侯以

馬為幣 石氏曰流星在房國貴人多死 流星抵房
遠鄉貢異獸班頭馬其國君亡 海中占曰流星絕鉤
鈴主有奔馬則敗

流星犯心五

石氏曰流星犯心大人憂臣欲伐主兵大起宮中不出
一年遠二年 郝萌曰流星犯乘明堂星皆為大人憂
為內亂欲伐君近期十月遠期三年犯乘守太子星太
子憂犯乘守庶子星庶子有憂 荊州占曰流星犯乘

明堂若不死則去 黃帝曰流星入心不出其年國有大喪一曰弑主期不出三年 又曰使星出房大如鷄色赤如血入心人主遇賊其出心也行道遠人主賊人於千里之外 郝萌曰流星入心不出其年臣弑其主不成戮死 又流星入心不出其年大臣相賊 巫咸曰流星入心有使來者赤色言兵黃言土白言義青言憂黑言凶出心大臣出使以五色占之 石氏曰流星出人心遠國使來星大大國使星小小國使 又流星

起心南行越君死 郝萌曰流星起心至北斗趙君死

流星抵心不出一年國有大喪 使星入天子宫留

十月有來聘

流星犯尾六

聖洽符曰流星入尾妃后有憂若有黜者一曰賊人女
當有暴貴者 又流星入尾前青而後白人主死從酉
至黃昏期六十日將軍行從夕至人定期九十日將軍
行 石氏曰流星入尾色青黑故臣有敗身者流星出

尾色青黑臣有逃者

流星犯箕七

巫咸曰流星入箕宮人有來者及有獻女者

甘伯曰
期一年

百

二十占流星入箕客有來者 巫咸曰流星出箕宮人

有出者

甘伯曰
期一年

百二十占流星出箕大臣有棄捐者

流星犯北方七宿二

流星犯南斗一

感精符曰流星入南斗有使來入國者色赤兵黃土白

義青憂黑死 海中占曰流星入南斗當有隣國使來
不出百八十日 二十八宿山經云有流星入斗散絕
穀貴四年之中異姓為主人民勞 石氏曰流星出南
斗大臣有出使者以五色占之 郝萌曰流星從南斗
走北斗其國有赦令期在正月二月中

流星犯牽牛一

荊州占曰流星干牽牛大將出期八十日 文耀鉤曰
流星入牽牛當有隣國使者來不出百八十日 郝萌

曰流星入牽牛客有四足蟲為幣來者色青道病色黑
道死不至 荊州占曰流星色赤入天鼓將受命於主
出天鼓將出如星所之以占四方 百二十占流星出
牽牛還使出也期百八十日遠一年 宋天文志曰晉
安帝隆安五年二月甲寅流星色赤衆多西行經牽牛
虛危天津閣道貫太微紫宮占曰星者庶民類衆多西行
民將西流之象經行天子廷主弱臣強諸侯兵不制
五年三月孫恩攻高雅之五月侵吳郡內史袁崧出

戰為賊所殺六月孫恩至京口高雅之擊破之恩進軍
蒲州於是內外戒嚴營陣屯守柵斷淮口十月司馬元
顯大治水軍將以伐桓玄元興元年孫恩在臨海人眾
餓死散亡恩亦投水死吳郡吳興戶口減半又流奔而
西者不可計十月桓玄遣將擊劉軌破走之二年玄篡
位遷帝尋陽

流星犯須女三

石氏曰流星入須女天子有納美女者若出須女女御

有使者干須女貴女下獄期百八十日 文耀鉤曰流星抵須女女主有逆謀於君有戮死者期不出一年遠二年

流星犯虛四

文耀鉤曰流星入虛人主大憂臣下相賊拔邑若國亡期三年 石氏曰流星入虛色青哭泣事色黃白有來受賜者 郝萌曰奔星以乙丑日流入須女虛危之間為民流占曰流星色赤若蒼黑入虛危有拔邑 又流

星數從虛危中出者貴人往求醫藥 石氏曰流星出
虛臣有出使者

流星犯危五

石氏曰流星入危小人乘君子位 甘氏曰流星入危
天下不安期一年 巫咸曰流星入危天下不安其國有憂下
欲謀上期百八十日遠一年 百二十占曰流星入危蓋屋之
事出危發屋之事色赤火發色黑水發色青憂發色黃
以好發 石氏曰流星入危中若從危出不出一年大

水萬民饑賣畜生財物不能自食 郝萌曰流星入危
色赤以人為幣之危右以兵為幣之危左色青以圭為
幣白以四足蟲為幣黃以貝為幣 石氏曰流星抵危
色赤為兵期一年黃土功白喪期一年黑死有分國
又云流星成對抵危中國與北狄交兵

流星犯營室六

帝覽嬉曰流星入營室其君淫佚宮中有憂若有變事
郝萌曰奔星以冬至前後三日入營室中國有急事

石氏曰流星入營室有使者來赤言兵黃土白義青
客凶黑客死 黃帝曰流星一曰奔星出營室人主去
其國若有內亂兵起宮中王者有憂 郝萌曰流星出
營室有使以五色占之 石氏曰流星同上 北官候
曰大奔星色赤流抵營室有凶其國貴人有死者上旬
見為老年來月上旬死中旬見為中年來月中旬死下
旬見為盛壯來月下旬死

流星犯東壁七

石氏曰流星干東壁大國分兵 荊州占曰流星犯東壁能文章者死 石氏曰流星出入東壁主文章者有憂

又曰人之有祭廟之事 郝萌曰使星從西壁出入東

壁人主用故臣

營室一名西壁

石氏曰流星抵東壁有大臣

往使四夷

流星犯西方七宿三

流星犯奎一

郝萌曰流星入奎有破軍死將 甄曜度曰流星入奎

有溝瀆之事若有使來之國者使出之他國不出百八十日當以衡日為期 劉壘曰流星流入奎有溝瀆之事於國內出奎有溝瀆之事於國外 宋書天文志曰晉成帝咸康三年六月辛未有流星大如二斗魁色青赤耀地出奎中沒婁北占曰為民飢五穀不藏是月大旱 又宋文帝元嘉七年十二月丙戌有流星頭如箕尾長二十餘丈大如數十斛船色亦有光耀人面從天船西行經奎北大星南過至東壁止其年索虜寇青州

殺刺史掠居民遣征南大將軍檀道濟討伐經宿乃敗

流星犯婁二

石氏曰流星入婁有聚衆之事於國內一曰白衣之會
大人為亂期三年 百二十占曰流星入婁有聚衆之
事 流星占云流星抵婁貴賤相謀

流星犯胃三

聖洽符曰流星入胃有穀粟之稅入若出之則有出粟
石氏曰流星入胃保倉之事入於其國內流星出

胃保倉之事出於其國外

流星犯昴四

文耀鉤曰流星入昴四夷交兵白衣之會若貴人有急下
獄期三年若出昴士衆滿野若他國有使至期
百八十日遠一年 石氏曰流星入昴貴人有繫囚者
論語識曰堯率舜等遊於首山觀於河有五老遊於
河渚一老曰河圖將來告帝期二老曰河圖將來告帝謀
三老曰河圖將來告帝書四老曰河圖將來告帝圖五

老曰河圖將來告帝符龍銜玉苞金泥玉檢封盛書五老
飛為流星上入昴 甄曜度曰流星出昴胡兵起士衆
滿野若邊國有元王期一年遠二年 韓楊曰流星成
對抵昴中國與四夷交兵

流星犯畢五

荊州占曰流星干犯畢邊兵大戰 黃帝曰流星入畢
中而復不出其星小小赦其星大大赦 海中占曰流
星入畢其君有大憂先起兵者兵破亡若有逐相以其

入日占期百八十日遠一年 郝萌曰奔星以巳巳日

流而之參濁其國有流民

濁謂畢也

西官候曰流星入畢

貴人有囚係者 百二十占曰流星入畢有兵革之謀

出畢有畋獵之事 石氏曰流星出畢邊軍大戰貴人

多有繫囚者

流星犯觜六

荊州占曰流星干犯觜其國兵起破亡 石氏曰流星

入觜太子使也外宿中來則外也四十丈至一百丈將

軍使十丈至三十丈小使者皆不出一年 流星入觜
中有師旅之事於國內 荊州占曰流星入觜中大臣
有倍其主者 玄冥占曰流星入觜中大臣叛主大兵
聚車馬將急行人主有憂期百八十日若一年 百二
十占曰流星出觜有師旅之事於國外一曰兵罷也

流星犯參七

流星占曰使星色赤若蒼黑於參傍行人死於中央縣
令死 黃帝占曰流星入參不出其年兵起先起者破

一曰客軍破

案續漢書天文志曰孝和永元元年正月辛亥有流星起參長四丈有光色黃白二

月流星起天樞東北行三大所滅色青白壬申夜有流星起太微東蕃長三大三月丙辰流星起天津壬戌有流星起天將軍東北行參為遼兵天樞為兵太微天廷天津為水天將軍為兵流星起之皆為兵其年六月遣車騎將軍竇憲等出朔方日逐王等八十一部降凡三十餘萬人追單于至西海是歲七月又雨水漂人民是其應也

聖治符曰流星入參中不出其年國有破軍 文耀

鉤曰流星入參有兵起客軍破若出參中國之米粟大

賤一曰先起兵者亡後起兵者昌期二年 石氏曰流

星入參國內均衡石之事色青黑不出其年兵起 郝

萌曰流星赤之參正星若之伐正星出右以兵為幣之
左以人為幣之右以金帛為幣一曰兵一曰幣 文耀
鉤曰流星出參象弓矢兵大起 郗萌曰流星色赤從
東方來至伐而止此來兵大敗吾軍也 奔星以已已
日流而之參濁之間其國有流民 流星出南門以刺
參不出十六年有一國王兼有天下南門東井也 流
星出參國粟米賤 石氏曰流星出參有均衡石之事於
國外 黃帝曰使星守參右穀貴參左五穀賤

流星犯南方七宿四

流星犯東井一

荊州占曰流星干犯東井大臣謀其國有兵期百八十日也 石氏曰流星入東井其國君死 甘氏曰流星入東井有水令從來者其分國亡 巫咸曰流星入東井其國若以水亡其分民饑期三年 郝萌曰流星入東井水與城等 百二十占曰流星入東井有水事於國中 黃帝占曰流星出柳入東井人主浮舟 郝萌

曰流星出入東井所之國大水 百二十占曰流星出東井有水事於國外一曰水有絕者

流星犯輿鬼二

感精符曰流星犯輿鬼中國與南蠻通四夷來貢一曰有宗廟祠祀事 百二十占曰流星入輿鬼有祠事於國內 五星總占曰流星交抵輿鬼中國與南蠻交兵 郝萌曰奔流星抵輿鬼貴人有戮死 又占曰奔星有光如火散且行輿鬼上大臣得賜期六月

流星犯柳三

荊州占曰流星干犯柳周國當之期九十日 聖洽符
曰流星入柳名木有來者若出名木有出者 百二十
占曰流星抵柳名山林有國受伐者

流星犯七星四

郝萌曰流星干七星國有兵不出百八十日 黃帝曰
流星入七星客有以急使來者若出之王者有吉事出
使期百八十日若一年 宋書天文志曰流星大如斗

出柳北行尾十餘丈入紫宮沒尾後餘光良久乃滅占
曰天下凶有兵喪天子惡之武帝文穆后相繼崩

流星犯張五

石氏曰流星入張有使來納幣者又云諸侯有謀者若
有人君使人於諸侯一曰天下有遷徙之民期三年

郝萌曰流星入張諸侯有來賜吾君近臣者出張君賜
諸侯臣 石氏曰流星出張諸侯有受賜者

流星犯翼六

荊州占曰流星干犯翼國君大臣有憂遠期百八十日

黃帝曰流星入翼貴人有繫者 石氏曰流星入翼

倍海國有來使者以神鳥為貢色黃無故青道病死黑

死不至 海中占曰流星入翼其國用兵大臣有憂若

抵翼天下尊諸侯期百八十日 玉厯曰一年 石氏

曰流星出翼倍海國受賜 流星抵左翼天下尊諸侯

宋書天文曰晉孝武太元六年十月乙卯有奔星東

南經翼軫聲如雷星說曰光迹相連曰流絕迹而去曰奔

案占楚地有兵軍破民流十二月符堅荊州刺史梁成襄陽太守閭震率衆伐竟陵桓石虔擊大破之生擒震斬首七千生獲萬人聲如雷將帥怒之象也七年九月朱綽擊襄陽拔將六百餘家而還

流星犯軫七

黃帝曰流星入軫兵喪並起國以車為幣王者能以善令則無咎期三年 石氏曰流星入軫有來使者一曰為貴人多繫者 流星出軫臣有出使者以車為幣 郝萌曰流星入長沙天下逃亡無處者

唐開元占經卷七十二

欽定四庫全書

唐開元占經卷七十三

唐 瞿曇悉達 撰

流星占三

流星犯攝提一

黃帝占曰流星入攝提外國當以兵為使來者若有急
流星出之王者以兵出使各以五色占

流星犯大角二

黃帝曰流星抵破大角兵大起四塞有急若刺大角過王者失位期三年 石氏曰流星抵大角有兵起大將出人主憂期百八十日 流星觸破大角四兵合有急刺大角主失位裂之尤甚 流星發大角盛光明耀大將出破大角亡不吉

流星犯梗河三

陳卓曰流星入梗河王者誅夷國不出三年 玉歷曰流星入犯梗河王者誅四夷若邊兵起一曰蠻王死期

一年遠二年

流星犯招搖四

黃帝曰流星起招搖其所向者兵在焉又曰賊寇大敗
石氏曰流星入抵招搖四夷兵來邊兵大敗若王敗
敵有憂期一年

流星犯玄弋五

聖洽符曰流星入抵玄弋夷欲入中國戰大敗流星所
抵兵徙來期不出二年

流星犯天槍六

齊伯曰流星入天槍外夷來侵防戍有急者邊境憂

流星犯天棓七

甄曜度曰流星入天棓兵大起五丈長國有兵王者憂
期二年 陳卓曰流星入天棓諸侯多訟地者部分不
均平也出四夷安

流星犯女牀八

海中占曰流星入女牀後宮有憂貴女當有暴誅者期

百八十日

流星犯七公九

玄冥曰流星入七公人主信讒佞誅忠直諫者凶人起
兵義人入獄期一年 石氏曰流星經七公當有兵將
出 文曜鉤曰流星入抵七公有兵起大將出一曰輔
臣有誅不出二年

流星犯貫索十

巫咸曰流星入貫索天下有獄事多有死者一曰臣有

入獄者期一年

案異苑曰田鎮之夜傍階墀走忽值流星入貫索天獄也舊傳若見此者必致

死兵要應披頭仰瞻須星出則無禍矣鎮懼潛語其婦散髮屋上兄宵起見上有物謂是怪鳥引弓射之應絃而墜乃其弟也

陳卓曰流星入貫索中女主死若有兵又曰

使星入天牢有赦

案檀道鸞晉陽秋曰孝武大元三年三月庚辰夜流星大如三斗器尾長三丈

從七公西行至招搖須臾轉還東行至貫索而沒六月符堅遣其子丕等十萬餘人五道寇襄陽四年正月辛酉大赦天下

春秋緯曰大流星赤黃出貫索中者怪獲死

者女子也

石氏曰大奔星赤黃出貫索中其國貴女

有死者

荊州占曰流星絕連貫索國城屠

流星犯天紀十一

黃帝占曰流星入天紀大臣為亂兵起宮中妃后有出者
期二年

流星犯織女十二

石氏曰流星入織女貴女有憂若有白衣女來者一曰
后族當有出者期不出百八十日遠則一年 司馬彪
天文志曰孝明永平七年正月戊子流星大如杯從織
女西行照地織女天之貴女流星出之女主憂其月癸卯光烈

皇后崩 巫咸曰流星入織女有使從諸侯所來者出
織女有使之諸侯 韓楊曰流星入織女有白衣女子
會其出也賊將出 石氏曰流星出入織女有大水
黃帝曰流星出織女有白衣會為賊兵吏凶淫內 宋
書天文志曰穆帝永和十年四月癸未流星大如斗色
赤黃出織女沒造父有聲如雷占曰燕齊有兵民流昇
平元年慕容雋遂據臨漳盡有幽并青冀之地緣河諸
將漸奔散河津隔絕矣

流星犯天市十三

石氏曰流星入天市色蒼白萬物貴赤必大災民多疾

又云大臣有罪戮於市者若市吏有憂者 巫咸曰

流星入天市亂度量不平執命者死 郝萌曰流星入

天市而出死罪復生 玉歷曰流星入天市若有死罪

當戮入市而得免者不出二年 司馬彪天文志曰孝

明永平元年四月丁酉流星大如斗起天市樓西南行

光照地流星為使天市為外兵西南行為西南夷是時益

州發兵擊姑復蠻夷大年替陵斬首傳詣雒陽

流星犯帝座十四

甘氏曰流星抵帝座諸侯兵起臣謀主若貴人變更政
期三年

流星犯候十五

聖洽符曰流星抵候星有兵起近臣相攻夷狄內侵王
者有憂

流星犯宦者十六

齊伯曰流星入宦者左右臣不寧若有憂一曰當有被
黜者期一年

流星犯斗星十七

郝萌曰流星抵斗星權量不平市吏有憂一曰五穀貴
斗不用事

流星犯宗正十八

海中占曰流星入宗正左右貴臣多死若帝宗后族有
黜者期百八十日遠一年

流星犯宗人十九

甄曜度曰流星入宗人親戚臣為亂若宗中有變事親戚離別期不出年

流星犯宗星二十

玄冥曰流星抵宗星王者宗族不相親宗室相疑以親為疎

流星犯東咸二十一

黃帝曰流星入抵東咸后出入不得時淫佚自恣一日

女主亂宮王者憂期一年遠二年

流星犯天江二十二

石氏曰流星入天江有大水河海溢人民饑

流星犯建星二十三

玉厯曰流星入建星關道不通若有使來者一曰兵起
四塞民多盜賊不出三年 陳卓曰流星入建星天下

謀亂赤者昌

流星犯天弁二十四

甘氏曰流星入天弁糴大貴人民饑若抵犯之有兵起將士行期二年

流星犯河鼓二十五

海中占曰流星入河鼓有兵起大將出若抵之有死將隨其所犯將當之期一年遠二年大星為大將小星為小將 郝萌曰使星入河鼓大將亡其旗鼓 石氏曰流星出河鼓兵出入河鼓兵入又曰流星入河鼓所入將驚死出河鼓所出將廢 宋書天文志曰宋明帝太

始二年六月己卯竟夜有流星百餘西南行有一大如甌尾大餘黑色從河鼓出南行至尾沒占曰天下鼓出其年四方反叛內兵出大帥親戎

流星犯離珠二十六

聖洽符曰流星入離珠兵宮中起其宮人有罪及誅者

流星犯匏瓜二十七

齊伯曰流星入匏瓜天下有憂若有獻菓者中有藥不可食防備之期百八十日 甄曜度曰流星出匏瓜食

官有憂一曰魚鹽價千倍

流星犯天津二十八

帝覽嬉曰流星入漢中而不出士卒不可以涉星若絕漢即可涉三日內雨則不吉 石氏曰流星入天津必有大使隨星所之期一年 海中占曰流星入天津水道不通梁塞若津渡有憂 石氏曰流星出北斗人主使於諸侯 郝萌曰流星入漢中不出軍不可渡水先渡者不還又曰使星入河津有大衆行者 荊州占曰

流星入漢中貴人有殺死者若溺死

流星犯騰蛇二十九

玄冥曰流星入騰蛇雨水為害魚鹽貴水物不成期不出年

流星犯王良三十

文曜鉤曰流星入王良天下有急關津不通有兵起及牛馬多死 陳卓曰流星入王良天下兵盡起

流星犯閣道三十一

巫咸曰流星入閣道王者有憂左右有謀道中有伏兵
若道不通期百十日遠一年

流星犯附路三十二

帝覽嬉曰流星抵附路太僕有憂若馬多死若馬大出
期二年

流星犯天將軍三十三

黃帝曰流星入天將軍大將出士卒用若抵犯之將有
憂星所之兵所來期三年 石氏曰流星入天將軍大

將驚出

案司馬彪天文志曰孝和永元元年正月辛卯有流星起參長四丈有光色黃白二月流星起

天棓東北行三丈所滅色青白壬申夜有流星起太微東蕃長三丈三月丙辰流星起天津壬戌有流星起天將軍東北行參為邊兵天棓為兵太微為天庭天津為水天將軍為兵流星起之為兵其六月漢車騎將軍竇憲執金吾取康度遼將軍鄧騭出朔方並進兵臨私渠北鞬海斬虜首萬餘級獲生口牛馬羊百萬頭日逐王等八十一部降凡三十餘萬人追單于至西海是歲七月又雨水漂人民也

流星犯大陵三十四

石氏曰流星入大陵有土功事墳陵之役若抵之國有大喪大人當之期不出三年

流星犯天船三十五

玉曆曰流星入天船天下大水舟船用若津道不通有急事

流星犯卷舌三十六

甘氏曰流星入卷舌有讒言亂主者若有口舌於君幸臣有憂

流星犯五車三十七

黃帝曰流星入五車天下兵車騎發先起者昌若抵之

其所主五穀貴期二年遠三年 郗萌曰流星入五車
以甲子日中粟車期三十日粟貴丙午日中麥車期二
十日麥貴戊寅日中豆車期二十七日豆貴庚申日中
蕡車期二十日蕡貴壬戌日中黍車期十日黍貴以月
所見流星之處則縣邑之市為貴矣 石氏曰流星出
五車色白諸侯以兵為憂色黃受賀色赤寇兵車騎滿
野青黑多死者各以其日占

流星犯天關三十八

石氏曰流星入抵天關天下有急兵關道不通若多盜賊人民憂期百八十日遠一年

流星犯南河三十九

巫咸曰流星犯南河蠻兵起防戍有憂一日流星入南河為旱為兵宋天文志曰宋武大明八年四月有流星大如五斗甌赤色有光照面尾長一丈餘從參北出東行直下經東井過南河沒占曰民饑吳越有兵明年四方賊起王師水陸征伐義興吳陵大戰殺傷千計

流星犯北河四十

巫咸曰流星入北河胡兵起來入中國若關梁不通一
曰流星入北河為水為饑皆期二年 黃帝曰流星絕
兩河間天下大難路不通 石氏曰南河北河有流星
絕兩河間有客抵之天下大亂親戚不恤

流星犯五諸侯四十一

石氏曰流星出五諸侯有大喪以星所入日占其國
玉歷曰流星入五諸侯輔臣有憂若有黜者一曰諸侯

兵有謀主期不出年 石氏曰赤流星出諸侯有叛者
其中星散絕諸侯坐其殃咎

流星犯積水四十二

甘氏曰流星入抵積水有大水舟船用民大饑

流星犯積薪四十三

聖洽符曰流星抵積薪天下以薪藁為憂若厨官有罪
者

流星犯水位四十四

齊伯曰流星入水位天下有水河海溢流五穀不成流
民大饑期三年

流星犯軒轅四十五

甄曜度曰流星入軒轅后妃有亂女主有逆謀天子宜
防之期三年 郝萌曰流星散入軒轅間女主宮多讒
亂 荊州占曰流星大如瓮出東陵西下必有積血

流星犯少微四十六

郝萌曰流星入抵少微賢良集道術出一日能人多來

者

唐開元占經卷七十三

欽定四庫全書

唐開元占經卷七十四

唐 瞿曇悉達 撰

流星占四

流星犯石氏中宮

流星犯太微一

黃帝曰奔星入太微中其國有亂 海中占曰流星入

太微有兵起外國當以兵至及有使來者不出其年 郝

萌曰使星入天官留十日有叛者 荊州占曰奔星入
太微宮內有亂近西相也近東將也 石氏曰奔星入
太微天庭避之吉不避者危死所謂避者從左來避之
右右來避之左 黃帝曰流星出太微東門大兵起大臣
為亂貴人多死者若有謀近期一年中二年遠三年
流星出太微大臣有外事以所之野命其方 石氏曰
奔星出太微中有立王若從王 流星出太微南門其
衆貴臣有死者 海中占曰流星出太微端門天子之

使出各以所之野命其國期不出年 荊州占曰流星

出太微天庭之門者天子使也以所之野命其東西南

北星來者使復命 奔星出太微中國失君 玉曆曰

流星出太微天庭天下兵起將士大出王者有憂期三

年災必應 石氏曰流星出太微天庭大將出 荊州

占曰流星大而赤數出入天宮庭如浮船狀有賊臣在

傍人主脩不可出遊 荊州占曰流星縱橫經行太微

中主弱臣強四夷不制期三月 石氏曰流星犯抵左右執

法東相西將各以所犯皆當誅以其八日命其國皆不出三年

流星犯黃帝座二

石氏曰流星入太微犯黃帝座大人易其東西犯者皆死亡黃帝曰流星入太微抵於帝座天下亂臣弑主國易政期不出三年

流星犯四帝座三

巫咸曰流星入太微犯四帝座輔臣有誅執法者憂貴

人多死期二年

流星犯屏星四

玄冥占曰流星抵屏星尚書有憂若有死者期百八十日遠一年

流星犯郎位五

巫咸曰流星入抵郎位守衛之臣有誅若左右為亂若幾有死者期一年遠二年

流星犯郎將六

齊伯曰流星抵郎將則將有誅若大臣為亂王者戒慎左右不出其年

流星犯常陳七

甄曜度曰流星入守常陳衛人有罪者誅人主憂期百八十日遠一年

流星犯三台八

海中占曰流星入上台司命大臣有罪若有死流星出之近臣有出者期二年 玄冥占曰流星入中台司中

奸臣來近主者流星出中台奸臣有出者 甘氏曰流星入下台司祿大臣有賜爵封者流星出之臣有罪出走色黑死皆期二年 黃帝曰流星走三台者大將出辯終脩曰奔星入三能天下感兵禍聚隅感動也

流星犯相星九

文曜鉤曰流星抵相星大兵起大將出輔相有變

流星犯太陽守十

巫咸曰流星抵太陽守有兵起將軍出期三年

流星犯天牢十一

黃帝占曰流星入天牢貴人有繫者若多下獄人民多有罪期不出年 黃帝曰常以丑未日候流星入天牢者有赦 荊州占曰流星出紫宮奔走入天牢天子以赦解之 黃帝曰天牢中有一使星出者小赦二星出赦在關內三星出赦天下 荊州占曰流星入貴人之天牢太僕名臣有繫者其色黃白無故青憂黑凶赤以金煞之日出赦獄中繫者出

流星犯文昌十二

黃帝曰流星若奔星入文昌宮其國有亂 石氏曰流星入文昌其國失政宮庭有兵若內亂期二年 奔星出文昌宮內亂 荊州占曰奔星出文昌宮國去其君 一曰國失君 班固天文志曰孝成帝建始元年九月戊子有流星出文昌白色光燭地長可四丈大一圍動搖如龍蛇形有頃長可五六丈四圍所屈折委曲貫紫宮西北斗西北子亥間後屈如環北方不合留一刻所

占曰文昌為上將貴相是時帝舅王鳳為大將軍其後
宣帝舅子王商為丞相皆貴臣任政鳳妬商譖而罷之
商自殺屬親皆廢黜 司馬彪天文志曰孝靈二年四
月有流星出文昌入紫宮蛇行有尾無目赤色有光焰
垣牆占曰文昌主上將貴相後六年司徒劉邵為中常
侍曹節所譖下獄死

流星犯北斗十三

黃帝曰大流星入北斗天下亂大發兵將軍出期六月

若一年

案司馬彪天文志曰光武建武十年三月癸卯流星如月從太微出入斗魁第六星色

白傍有小星射者千餘枚滅則有聲如雷食頃止是時光武帝使吳漢發卒三萬人擊蜀成帝公孫述十二年十一月護軍高午刺述洞胷死屠蜀城滅述妻子宗族孝靈光和中元年四月癸丑流星犯軒轅第二星東北行入斗魁中至中平元年黃巾賊起上遣中郎將皇甫嵩等征之斬首千餘萬級

石氏曰流

星入斗魁中失名人 流星夜有光入斗大星有

繫者以五色占之 郝萌曰大流星色青入斗斗魁中

大臣有繫者有憂也 大流星入斗斗魁中失明者繫

者斬死

案班固天文志曰成帝綏和元年正月辛未有流星從東南入斗斗長數十丈二刻所止其年

十一月庚子定陵侯淳于長坐執左道下獄死

郝萌曰奔星入斗中中國

使匈奴

案班固天文志曰成帝陽朔四年閏月庚午飛星大如缶西南入斗下明年鴻嘉元年正月

匈奴單于離陶莫臯死五月甲午遣中郎將楊興使弔

荊州占曰大流星入斗

斗魁中大臣背叛 流星使星入斗斗魁中臣有繫者

星出繫者出 大流星入斗斗魁中貴人囚青黑憂赤

黑死赤兵死 郝萌曰流星入應星中天下有赦 石

氏曰流星出斗斗人主使人於諸侯色黃白有賀事青

黑有憂事亦有兵期二年 石氏曰流星出斗斗魁中

人主左右有繫死者 流星出北斗魁中若東西不出

期年兵起 流星出北斗魁中大將軍出以星出日占

知所之 郝萌曰大流星出北斗後尾長數丈將出

流星黃白出北斗魁中有赦令 荊州占曰大流星出

北斗魁中不出其年兵起占星所之者 使星出北斗

東行齊趙負兵

玉歷云齊魯鄭

出北斗南行荆魏負兵

玉歷云為荊州楚韓

出北斗西行秦鄭負兵

玉歷云秦晉魏

出北斗北行楚趙負兵

玉歷云燕趙皆不出三年

玄冥曰流星出部星天子伐諸侯天下

將太平期二年 京房曰流星於北斗傍明如炬火長

六七丈

一本云六七尺

如繒布賊臣專制天下期三年 郝萌

曰流星從南斗至北斗者赦令期正月二月 荊州占曰

使星守北斗天下亂 郝萌曰大流星拂北斗廡不出

其年有戕死臣期三年 奔星以冬至前後十日之內

擊北斗柄天子當之期六十日 郝萌曰大流星抵斗

斗柄破之大臣有憂期六月 流星抵北斗天下大發

兵 使星抵北斗東行不出其年臣有戕死者 荊州占

曰流星不入北斗魁中居其傍貴人有避宮者 黃帝

曰流星抵正星大人遇賊憂 流星出正星執政者易

期一年 甘氏曰大流星抵法星左右其有光者男君

疾無光者女主疾若出法星兵起若有變事期一年遠

二年 荊州占曰流星抵法星法星色青三日有兵期

不出四月色青白九月有兵期不出十月而起期以春

也不出月大變變易國名 聖洽符曰流星抵令星有

兵起天下不安若出令星王者使諸侯行令四方 齊

伯曰流星抵伐星蠻夷以水兵來入國若出伐星天子出使於蠻夷蠻夷和若抵破伐星人多死期一年遠二年石氏曰流星抵殺星無光五日君疾有光十日女主死甘氏曰流星抵危星五穀不成人君有憂若出危星天子出行令荆州占曰流星多抵危星其色赤有兵期一歲黃有土功事白有喪期一歲黑有分國危星不明流星數抵之五穀不成國相去君有憂郝萌曰大流星數抵部星王者忌之荆州占曰流星抵

部星色赤有大憂若有士封爵列侯有令若兵器有怪
黃有喜 石氏曰流星入輔星相官不洽天子制之星
出輔星相免若死

流星犯紫宮十四

黃帝曰流星入紫宮有大喪大兵起將軍有戮死者期

三年

案司馬彪天文志曰孝章建初二年九月甲寅流星過紫宮長數丈散為三滅後四年六月癸丑明

德皇后崩

孝和永元七年正月丁未有流星起天津

入紫宮中滅色青黃有光十二月己卯流星起文昌入

紫宮後竇太后崩隴西羌反 宋天文志曰宋前廢帝

永光元年六月壬午有流星前赤後白入紫宮明年會

稽太守尋陽王子房廣州刺史袁粲遠雍州刺史袁顗
青州刺史沈文秀並叛昭太后崩明年太始二年三月
甲寅流星從五車出至紫宮西藩沒其年四方反叛內
兵大出六師親戎昭太后崩大將殷孝祖為南賊所殺
也

石氏曰流星入紫宮主憂天下多死者臣犯主又

曰入紫宮使者憂又曰入紫宮使者復命名曰使星諸

侯有來使者 班固天文志曰孝昭元平元年三月丙

戌流星出翼軫東北于太微紫宮始出小旦入大有光

入有聲如雷三鳴止占曰流星入紫宮天下大凶其年

四月癸未宮車晏駕 荊州占曰流星入紫宮水旱不

調案章昭洞紀曰漢靈帝嘉平二年有流星出
文昌入紫宮六月北海水溢司空楊賜免也 荊州

占曰奔星入紫宮中大亂一曰為其國有亂其出也國

去其君

案中興書曰安帝隆安五年三月甲寅有流星赤色衆多西行歷牽牛虛危天津閣道貫索太

微紫宮桓玄篡位之應 荊州占曰使星入紫宮勾奴起兵 陳

卓曰奔星入紫宮天下大亂若有奇令 石氏曰流星

出紫宮天子之急使也青憂赤有兵黃有土功白有喪

一曰義黑有水事皆以所之分野命其國星復入者使

復命也不出其年 海中占曰流星出紫宮人主宮殿

空若有徙王不則出走期三年 荊州占曰流星出紫
宮中奔入天牢中天子以赦應之 宋書天文志曰宋
文帝元嘉二十年二月二十四日乙未流星大如桃出
天津入紫宮須臾有細流星或五或三相續又有一大
流星從紫宮出入北斗魁須臾又有一大流星出貫索
中經天市諸流星並向西北行至曉不可稱數流星占
並云天子之使又曰庶民惟星星流民散之象至二十
七年索虜破青冀徐兗豫六州民死大半 荊州占曰

使星出入紫宮有空國王徙


流星犯土極十五

黃帝曰使星色白入土極天下兵聚一曰國有大變若有稱兵 石氏曰流星入土辰天下道塞出土辰天下安 焦延壽曰流星入土辰兵大起 黃帝曰流星出土辰地動 石氏曰使星出土極兵在外者罷若兵聚外境期不出年 荊州占曰使星色赤出土極兵罷於外 石氏曰當以戊日占有流星出土辰天子德令安

天下 黃帝曰流星抵北極國有大喪天下兵起非一
國將軍戰死若大臣破戮期不出三年 石氏曰流星
抵北極而止色前赤後白有來言兵事者成前白後黃
人主立太子有裂地者色赤而前黃銳有來吾國而死
者色白而前後皆銳有來言開關而和者若兵罷四方
皆然 甘氏曰流星入鉤陳必有迫劫主者若臣謀
其主若兵起宮中期二年

流星犯天一太一十六

聖洽符曰流星犯抵天一太一者五穀成熟人民安樂
天下太平鄰國寧



唐開元占經卷七十四

欽定四庫全書

子部

唐開元占經卷七十五
九至

詳校官中書_臣李采

靈臺郎_臣倪廷梅覆勘

總校官編修_臣王煦緒

校對官中書_臣王慶長

謄錄監生_臣錢雋選

欽定四庫全書

唐開元占經卷七十五

唐 瞿曇悉達 撰

流星占五

流星犯石氏外官一

流星犯庫樓一

黃帝曰流星入庫樓庫兵發用事車騎出流星出之兵
大起隨星所之兵所從往期三年 郝萌曰流星出天

庫所之邑受兵 使星出入天庫樓天下空虛兵盡出

流星犯南門二

石氏曰流星入南門西夷兵起關道不通國有憂 荆
州占曰流星入南門甚衆大臣有外事

流星犯平星三

玉歷曰流星入平星執令臣有憂若有罪星若出之臣
有黜者期百八十日

流星犯騎官四

甘氏曰流星入騎官有兵起騎士將出有憂若馬多死
期一年遠二年 石氏曰流星抵騎官兵起星所止知
之

流星犯積卒五

聖洽符曰流星入積卒兵士大行若將死一日近臣有

誅者期不出二年

案晉陽秋曰大元元年三月丁巳流星大如斗椀赤色尾長二丈起心星

南五大經積卒九月秦王苻堅屠涼州虜刺史張天錫車騎桓冲屯軍淮泗

流星犯龜星六

齊伯曰流星入龜星天下有水珠玉貴流星出之天下
大旱五穀貴期不出年 郝萌曰流星出龜星色青黑
所之國大水赤黃所之國大旱

流星犯傳說七

甄曜度曰流星抵傳說王者有子孫之憂若出之宮中
有子孫之喜期不出百八十日

流星犯魚星八

海中占曰流星抵魚星天下水魚鹽貴星若出之天下

旱魚行人道

流星犯杵星九

玄冥曰流星入杵星五穀大貴其歲杵不用事

流星犯鼈星十

文曜鉤曰流星入鼈星國有大水色赤出鼈其國大旱
郝萌曰大流星出鼈星色青黑為大水赤黃為大旱
視其所之以命邑

流星犯九坎十一

巫咸曰流星入九坎有水旱之變從南入則大旱從北入則大水

流星犯敗白十二

帝覽嬉曰流星入敗白天下有急發米粟之事杵臼用期一年

流星犯羽林十三

黃帝曰流星入羽林兵大起士卒發用將軍有出者期三年 石氏曰流星色赤入大牢東君起兵入其西太子起兵入其北諸侯起兵出大牢兵隨所之 流星色

赤入天軍之南天子死入其西太子死入其北諸侯多
死 流星色黃白入天軍之西天子立太子入其中天
子立侯王不則受賜 流星色白入天軍之南后憂疾
入其北諸侯憂疾 春秋緯曰使星出入羽林兵起

流星犯北落十四

石氏曰流星抵北落天下有兵北夷寇虜入塞大將出
鉄鑽用期百八十日遠一年若二年

流星犯土司空十五

玉歷曰流星抵土司空其國有兵土功起若抵破司空國有喪期三年

流星犯天倉十六

石氏曰流星色赤入天倉中兵內起其犯破天倉旱若火起出天倉粟以兵出 流星色黃白入天倉中歲饑出八天倉歲大饑出穀 甘氏曰流星入天倉天下饑穀散出若發粟於民有轉穀之事

流星犯天囷十七

聖洽符曰流星入天囷有兵起穀當出有軍糧之急期百八十日若一年

流星犯天廩十八

齊伯曰流星入天廩其國大饑五穀不成人民饑死米粟當有出廩者期不出二年

流星犯天苑十九

甄曜度曰流星入天苑有兵起馬出行若多死一曰禽獸多死石氏曰流星色赤入天苑中牛馬多傷出天

苑中牛馬多以兵事出者 流星色黃入天苑中牛馬
野禽獸蕃息 流星色蒼白黑入天苑中牛馬野禽獸
多死出天苑牛馬以全出者 流星入天苑馬之事出
天苑名馬出幣入四足獸有幣者 流星入天苑名馬
有入者出天苑名馬有出者

流星犯參旗二十

海中占曰流星入參旗兵大起弓弩用流星出之將軍
出兵士行期二年 郝萌曰使星出入天弓匈奴兵起

流星犯玉井二十一

黃帝曰流星入玉井中皆為強國失地出玉井強國得地
郗萌曰有大流星循伐以下入玉井中不出其年
水與城等以星小大遲疾占之 玄冥曰流星入玉井
國以水為憂若疾國失地若出之大水溢流有溺死者
期不出二年 荊州占曰流星出玉井將出

流星犯屏星二十二

文曜鉤曰流星入屏星執法臣有戮死者人民多疾若

有死不出其年

流星犯廁星二十三

巫咸曰流星入廁星天下大饑人相食一曰若大水陷廁中有謀兵

流星犯天天二十四

石氏曰流星抵天天人民多疾若多死天下饑 流星色黃吉青白多疾黑多饑

流星犯軍市二十五

玉歷曰流星入軍市兵大起大將出軍饑絕糧市散期二年

流星犯野雞二十六

甘氏曰流星入軍市抵野雞將離散士卒死亡先起兵者殃期三年

流星犯狼星二十七

黃帝曰流星抵破狼星秦國有殃先起兵者亡期一年
遠二年 石氏曰流星抵狼星其國兵大起大將有千

里之行將軍有死者

流星犯弧星二十八

齊伯曰流星入弧星天下兵起諸侯相攻弓弩用車騎
出一曰弓矢貴秦負兵期不出百八十日遠一年司
馬彪天文志曰光武建武十一年十二月己亥大流星
如缶出柳西南行入弧且減分為千餘如遺火狀須臾
有聲隱隱如雷柳為周弧為秦蜀大流星出柳入弧者
是大使從周入蜀時光武使大司馬吳漢發南陽三萬

人乘船沂江而上擊蜀成帝公孫述又命將軍成等平
武都邑郡十二年二月吳漢又擊述大司馬謝豐斬首
五千餘級十一月丁丑漢護軍高午刺述洞宵其夜死
明日漢入屠蜀城誅述大將公孫晃等所殺數萬人滅述
妻子宗族萬餘人

流星犯老人星二十九

荊州占曰使星出老人星老人有疾憂海中占曰
流星抵老人天下多病老人不安一曰大兵起老者行

老星犯天稷三十

玄冥曰流星入天稷五穀散出穀不熟天下饑人民流
亡去其鄉

流星犯甘氏中官二

流星犯天理一

荊州占曰流星入天理貴人之宰太僕名臣有繫者也
青憂赤以金殺之黃白無故黑凶 流星出魁中赦繫
獄者天理也

流星犯咸池二

黃帝曰流星出咸池中星所之者兵起 石氏曰流星入咸池大水 郝萌曰使星舍咸池有喪

流星犯甘氏外官三

流星犯哭星一

黃帝曰出入哭星有哭泣事

流星犯水府二

郝萌曰有大流星赤黃色出水府所之邑大旱 郝萌

曰有大流星青色出水府所之邑大水

流星犯巫咸中外官四

流星犯長垣一

帝覽嬉曰流星入長垣中匈奴兵起來侵中國人主有

憂 荊州占曰使星入長垣匈奴起兵

流星犯天淵二

郝萌曰大流星色青黑出天淵所之邑大水 大流星

色赤黃出天淵所之邑大旱

流星犯廐三

陳卓曰使星出入天廐天下有驚

唐開元占經卷七十五

欽定四庫全書

唐開元占經卷七十六

唐 瞿曇悉達 撰

雜星占

星晝見一

甘氏曰星與日並出名曰女嫁星與日爭光武且弱文
且強女子為主而昌在邑為喪野為兵 辨終脩曰星
晝見虹不藏臣人生海失常主淫於色酒湏沉慎失職

出遊遨 甘氏曰明星奪日光天下有立王 呂氏春

秋曰武王勝殷將二虜而問焉曰若國有妖乎二虜對

曰國有妖星晝見 甘氏曰星無故常晝見者名女王

不出三年大水浩洋若有女王立 京氏曰晝星見人

臣有奸心上不明臣下縱橫修撰 孝經雌雄圖曰一

星晝見者君子失國亡道入邊為虜 魏氏圖曰一星

晝見者君子失國亡世當敗必死 雌雄圖曰二星晝

見者皇后失勢以刑死一曰公亡刑則失度為羗狄所

賊 又曰有白衣問詐在宮中 魏氏圖曰三星晝見

者君有亡邦憂羗人入界欲為天子一曰臣有憂其世
絕 又曰參與辰俱見天下有兵二邦相攻血流 李
經內記曰三星在日上下者外人欲殺奸在後宮 又

曰三星在日左右者臣欲殺君與將軍共為一心 雌
雄圖曰三星晝見者臣有大憂公卿為夷狄賊所害

又曰四星及五星晝見者王侯為外界人所殺一曰君
弟有死憂 內記曰四星在日上下者王侯欲伐國政

之憂 魏氏圖曰北斗晝見者君死亡絕後嗣也

恒星不見二

楊泉物理論曰凡無名之星一見一不見唯二十八宿

度數有常故曰恒星 左氏傳曰魯莊公七年四月辛

卯夜恒星不見

恒常也謂常見之星也辛卯四月五日
夜月光尚微蓋時無雲日光不以昏沒

也

夜中星隕如雨

如而也夜半乃有雲星落而且如
雨其數多也皆記異也日光不匿

恒星不見云夜
中者以水漏也

傳曰恒星不見夜明也星隕如雨與

雨偕也

偕俱也

穀梁傳曰常星者在位人君之類不見

者無君之象也 公羊傳曰恒星布列四方助天為光

明諸侯之象不見者象諸侯之背叛不佐王者奉順法度

春秋緯曰恒星不見言周制絕滅衆耀隕亂 運斗

樞曰蒼帝行失則列星滅 雒罪級曰恒星不見主嚴

法度消 助佐期曰列星不見精無耀天子失政諸侯

橫暴 董仲舒曰常星二十八舍人君之象也衆星者

萬民之類也列宿不見象諸侯微也 許慎曰衆星者

庶民之象也與列宿俱亡中國微滅也 鄭玄曰恒星

謂列舍特天子之正也不見者諸侯乘天子禮義法度
又夜明象諸侯概然將强大也 河圖舍占篇曰將失
政不法則星亡 尚書中候准讖哲曰煌煌之滅闕失
權流頓斬恒星滅

星鬪占三

呂氏春秋曰至亂之化有星鬪 班固天文志曰辰星
與他星相遇而鬪天下大亂

衆星搖動四

洪範天文星變占曰漢武元光中天星盡搖上問候星對曰星搖民勞也後征伐四夷百姓勞於兵革也

星隕占五

京房易傳曰星者陰精也五行之形其體在下精耀在天百官之本各因其原星飛反行萬民不安太星隕下陽失其位災害之萌也其救也人君當悔過反政克己責躬省徭役安國封侯以寧民為先則宿正矣 洪範傳曰星者在位人君之類也隕者衆其隕墜失其所也

夜中然後隕者言不得終其性命中道而敗 或曰象其叛也夜中然後反者言當以中和之道反之也天變所以語人也防惡遠非隕卑有微將以安之也 班固

天文志曰夜中星隕者為中國也 鹽鐵論曰常星猶

公卿也衆星猶萬民也列星正則衆星齊常星亂則衆

星墜 感精符曰天下無法度莫能相治患禍並見四

夷為邪則星隕皆失其正異姓起行貪奢強國并兼民流彼邦此王者失執諸侯起霸之異 董仲舒曰星隕

者君主太盛臣下墜落之象也省刑罪無加賢臣以救之
洛書曰衆星隕不言侯伯伐王 天鏡曰國易主
則星墜國有大凶其主亡則衆星墜 董仲舒曰衆星
墜民失其所也 荊州占曰星墜當其下有戰場天下
亂期三年 推度災曰奔星之所墜其下有兵列宿之
所墜滅家邦衆星之所墜萬民亡 運期授曰黃帝亡
也黃星墜 文曜鉤曰鎮星墜海水溢 考異郵曰黃
星騁海水躍 運斗樞曰黃星墜海水傾 淮南子曰

奔星墜而渤海決

許慎曰奔星流星也

天官書曰宋襄公時隕

如雨

杜預春秋曰如而也星落而且雨也

天子徵諸侯力政五伯代興更

為民主自是之後衆暴寡大并小並為戰國 京房曰

星以春三月墜歲凶不登其二月大殃秋三月墜兵起

八月大殃 左傳曰星隕如雨與雨偕也 洪範曰此

象天子微弱民將去土諸侯起霸終於微滅之應也

潛潭巴曰星隕如雨厥民叛下有專討歸衆 京房曰

人君不仁傷胎孕殺無辜則歲星失度星隕如雨不收

則弟殺兄臣誅君其救也內慈仁敬讓外慮恩施惠無
犯四時歲星承度隕星上覆列宿 又曰君不任賢厥
妖天雨星也 漢書曰成帝永始二年二月癸未夜過
中星隕如雨長一二丈繹繹未至地滅至雞鳴止谷永
對曰日月星辰燭臨下土其有食隕之異即遐邇幽隱
靡不咸覩星附麗於天猶庶民附麗王者君失道也綱
紀廢頽下將畔去故星畔天而隕以見其象春秋記異
星隕最大自魯莊公己未于今再為見臣聞三代所以

喪亡者繇婦人羣小沉湎于酒書云乃用其婦人之言
四方之多罪逋逃是信是使詩云赫赫宗周褒姒滅之
顛覆厥德荒湛于酒及秦所以二世而亡者養生太奢
奉終太厚方今國家兼而有之社稷宗廟之大憂也

天鏡曰星墜為石天下兵起流血萬里 又曰國有兵
凶則星墜為鳥獸 京房曰天下將亡則星墜為飛蟲
又曰歲大饑大殃則星墜為粟豆 又曰天下大兵則
星墜為金鐵 天鏡曰天下有水則星墜為水 又曰

國有大饑有兵流血則星墜為土 又曰國主亡有兵
則星墜為草木 又曰兵起國主亡則星墜為沙 京
房曰星墜為人而言者善惡如其言 又曰國有大喪
則星墜為龍 河圖曰將失政不法石墜星亡 援神
契曰星墜石墜大人憂 京房曰星墜化為石臣下倍
主主妄行 又曰兵將作妖星隕為石 天官書曰星
墜地則石也 河濟之間時有墜星 左傳曰僖十六
年春隕石于宋五隕星也周內史叔興聘於宋宋襄公

問曰是何祥也吉凶焉在對曰今茲魯多大喪明年齊有亂君將得諸侯而不終退而告人曰君夫問是陰陽之事非吉凶所生也吉凶由人吾不敢逆君故也 洪範占曰明年齊桓公卒五子爭國宋公伐齊行霸後六年為楚所敗不終之應也 抱朴子外圖曰隕星者其精耀非隕其質也隕石于宋五非星也俗人視天上惟有日月與星計言從天上墮惟當是此三物而日月常在故謂墮者必是星耳天或雨血雨魚雨灰雨草木雨

兵雨石雨穀如此是天降怪異無所不有春秋時隕石
所謂雨石者也何必星乎或四方高山之石飛行為怪
墜之於地耳其妖大甚不可悉載 史記秦始皇三十
六年有隕皇下東郡至地為石黔首或刻其石云始皇
死而地分始皇問之遣御史遂問莫服盡取石旁舍人誅
之燔其石 洪範占曰是歲始皇崩三年而秦滅亡

趙書曰石勒時有星隕魏郡鄴縣東北六十里初有黑
黃雲如幕長數十疋交錯音聲如雷墜地熱氣如火塵

起連天時左右有私鋤者皆震疊塵止經視之土猶帶
熱求覓見有一石方一尺青色而輕擊之聲如磬未幾
石勒死虎殺其子而自立

唐開元占經卷七十六

欽定四庫全書

唐開元占經卷七十七

唐 瞿曇悉達 撰

客星占一

瑞星

宋均曰景星大而中空 孟康曰景星者有赤方氣與
青方氣相連赤方氣中有兩黃星青方中一黃星凡三
星合為景也

案蜀志曰後主景耀元年史官言
星見於是大赦改年為景耀也

天官

書曰天晴而見景星景星者德星也其狀無常常出有道之國 瑞應圖曰景星者大星也狀如半月生於晦

朔助月為明王者不私人則見又曰德及幽隱則出又曰景星者星之精也光從月出出於西方王者不私人以官使賢者在位則景星出見佐月為明 班固天文

志曰天晴而見景星

占六十日晴精明亡

河圖曰黃帝治景星

見於北斗也 尚書中候握河紀曰堯即位去年景星

出翼鳳凰止庭

鄭玄注曰景大也明也翼朱鳥宿也

又曰帝執德恭聰

明密微思心清靜在庭從宜仁推度符移序精和天地
休通五行相化景星出攝提 含文嘉曰王者序長幼
各得其正則房心有德星應之 合誠圖曰天子精耀

心墳務德則景星窺

宋均曰墳盛也窺猶見也

禮稽命微曰王者

制禮作樂得天心則景星見 感精符曰王者德上感

皇天則景星見 孔演圖曰天子以賢舉則景星效於

天 春秋緯曰周圖變書云赤雀所銜蜀下授文王於

豐殿之

闕

天子精耀招神任理

闕

有嚮心順務德則

景星見鸞鳳下

元命包曰仁義茂盛賢俊彰明神符

感出景星守參

感精符曰堯時氣充盛上感皇天故

景星見

孝經內事曰天子行孝德則景星出

援神

契曰王者德至天則景星見

白虎通曰景星者大星

也月或不見景星恒見可以夜作有補於人

帝王世

紀曰舜時景星見於房

坤靈圖曰至德之萌黃景索

於北斗必以戊巳日其光無芒行久無武動軍莫之敢

拒 含文嘉曰宮室之禮得則虛危有德星應 又曰

居喪以禮則德星應在虛危 稽命徵曰禮得其宜則

虛危有德星見 含文嘉曰宮室之禮得營室有德星

應 又曰居喪以禮則德星應與鬼 又曰天子穆穆

諸侯皇皇則少微有德星 又曰殯喪之禮以其時則

三階平正有德星出入其間 又曰天子袷綈巡狩有

度考功責實外內之制各得其宜四方之事無蓄滯上

下交通則山澤出靈龜寶石麒麟至苑囿六畜繁多天

苑有德星應

案申頴泰書符堅建元六年四月天苑有大星色甚白占者以為太平之祥乃立望

氣臺於宮左冬十一月平燕國擒慕容暉

含文嘉曰天子行饗射飲酒之

禮得其宜則曰大德天苑左右角皆有大德星應

海中占曰德星守建星君臣俱明天下更平五穀更興

宋均曰含譽瑞星光耀侶彗 援神契曰喜則含譽

射

客星名狀二

黃帝曰客星者周伯老子王蓬絮國皇溫星凡五星皆客星也行諸列舍十二國分野各在其所臨之邦所守

之宿以占吉凶 又曰客星大而色黃煌煌然名曰周伯見其國兵起若有喪天下大饑人民流亡去其鄉

又曰客星明大白淳然名曰老子所出之國為饑為凶為善為惡為喜為怒常出見則兵大起人主有憂王者以赦除咎則災消 又曰客星狀如粉絮拂拂然名曰王蓬絮見則其國兵起若有喪白衣會其邦飢亡 荊州

占曰王蓬絮星色青而熒熒然所見之國風雨不如節燠旱物不生五穀不登多蝗虫 黃帝曰客星出而大其色

黃白望之上有芒角名曰國皇見則兵大起國多變若有水饑人主惡之人多疾 又曰客星色白而大狀如風動搖名曰溫星常出四隅出東南天下有兵將軍出於野出東北有千里暴兵出西北亦如之出西南其國兵喪並起若大水人饑 石氏曰溫星出東南為大將軍服屈不能發者出於東北暴骸三千里出西亦然 黃帝曰客星見其分若畱止即以其色占吉凶星大事大星小事小星色黃得地色白有喪色青有憂色黑有死

色亦有兵各以五色占之皆不出三年 巫咸曰客星
入列宿中外官者各以其所部舍官名為其事所之者
為其謀其下之國皆受其禍以所守之舍為其期以五
氣相賊者為其使

客星犯月三

河圖曰日月與大星晝並見是謂爭明大國弱小國強
河圖曰大客星流八月中無光當有與君俱并兵死
者 又曰客星八月中有破觸月臣弑主有內亂 洛

書曰客星八月中有破軍 又曰大星八月中臣弑主
又曰大星八月月無光其國再伐而亡一曰其國當
者滅亡四夷來侵 又曰居月見不出三年人主死不
死國有殃 又曰星見月中不出其年主憂 又曰月
未中而日星入之有賊人為政者在東方文者長武者
亡月過中而星入之有賊人為政者在西方武者長文
者亡 又曰他星八月中兵將起他國有來降者 高
宗曰星八月中將有大兵 海中占曰星八月中其國

若有憂一曰不出三年臣勝其主 京氏曰星八月中
臣賊其主奪其家 又曰月中有星天下有賊星多者
賊多 又曰星八月中大臣謀伐其主主令不行 荆
州占曰星八月其國有喪 又曰星八月中有破軍殺
將又曰大客星八月中月無光其國滅亡四夷來侵期
五月若十月又云客星貫月其國內亂大臣死 洛書
曰星在月右角者秦氏丁氏為姦在西宮中 又曰星
在月左角竇氏宋氏為姦在東宮中星在月上者鄧氏

司馬氏為姦在南宮中星在月下者趙氏李氏為姦在
後宮中星在月兩角劉氏為姦敗 孝經內記曰月在
星角者臣與黃門僮女人陰姦為賊兩星在月角者臣
與人君共作姦一星在月中臣與君婦女共作姦謀一星
在月下者後宮列女要臣為姦也 河圖曰星在月陰
負海國有勝星出月下芒相爍也君死人飢 京氏曰
星與月同光臣下作亂人民非上令不行 甘氏曰星
食月其國相死 洛書曰星毀月下司上

客星犯歲星四

荊州占曰歲星與他星合人主不安 又曰歲星與他
星薄之主有謀又曰有賊 又曰客星與歲星鬪不出
其年強國易相 巫咸曰他星守歲星越有憂一云城
邑有憂 甘氏曰有星守歲星人主有憂 春秋緯曰
歲星與他星會而鬪因破他星人主不寧他星薄破之
主有謀賊害

客星犯熒惑五

石氏曰熒惑與他星會而鬪者皆為禍 荊州占曰熒惑與他星會而鬪天下兵起他星破熒惑為禍熒惑破他星會事雖有不能為禍 又曰熒惑與他星合相陵而鬪二星相近者其殃大相遠其殃小

客星犯太白六

甘氏曰有星入太白中強國以戰亡 又曰有星入金星天子伐諸侯武士大將死 郝萌曰縣亂星出也常出太白之旁相去三四寸所星出天下大亂 又星從

他所來之太白旁居與往來亦為使其事急又太白與他星過於四方必有大敗又太白與他星遇太白避他星兵畏他星避太白兵成

客星犯辰星七

巫咸曰有星入水星天下大水大理御史官多死班固天文志曰辰星與他星遇而天下亂石氏曰辰星與他星會光相薄乃為害不相及雖同會不為害荆州占曰辰星與他星會破之刑事行他星不破刑事不

害 石氏曰辰星出與他星遇而闕天下大亂

唐開元占經卷七十七